




Fronteira Marítima Tasi Timór: Seidauk resolve!

Artigu badak ida husi La'o Hamutuk, Agustu 2009



Governu Austrália, servisu ho kompañia mina internasionál, ilegálmente okupa Tasi Timór hahú molok 1999. Hahú husi Tratadu Tasi Timór tinan 2002, Timór-Leste fó 10% rendimentu upstream husi Área Dezenvolvimentu Petróleu Hamutuk (JPDA), no rendimentu downstream tomak, ba Austrália.

Maibé, governu Austrália kontinua haboot no haluan nia ambisaun hodi eksploita ita-nia riku-soin iha Tasi Timór, unilateralmente ke'e-sai mina no gas husi kampu minarai Buffalo no Laminaria-Corallina. Wainhira ita atu restora independensia, Austrália dadasai-an husi prosesu legál ba resolve konflitu fronteira marítima liu-husi Konvensaun Nasaun Unidas bá Lei Tasi (UNCLOS) no Tribunal Internation Justisa (ICJ) tan ne'e Timór-Leste la bele uza prinsípiu legal internasionál hodi hetan ita-nia direitu ba fronteira.

Austrália nia asaun hatetuk kontekstu ba nasaun rua hodi halo negosiasaun kona-bá Tasi Timór. Maske Timór-Leste iha direitu soberanu ba fronteira marítima, Austrália prefere atu negosia de'it kona-bá hafahe rendimentu mina no gas. Hala'o ida ne'e kontradikte ho ezijénsia ema Timór-oan nian no satak netik ita-nia luta ba ukun rasik-an.

Hafoin tinan barak halo negosiasaun, governu rua asina Tratadu Tasi Timór (2002), Akordu Unitizasaun Internasionál-IUA (2003) no tratadu Certain Maritime Arrangements in the Timor Sea - CMATS (2006). Ema waen iha Timór-Leste hatene tratadu CMATS hanesan "Akordu Greater Sunrise". Liu-tan atu hak-fahek hanesan rendimentu upstream husi mina no gas kampu Greater Sunrise, Tratadu CMATS fó dalan ba Austrália atu eksploita rekursu iha teritória ne'ebé adere ba Timór-

Leste tuir lei internasionál, no hasees Timór-Leste husi aseguara nia direitu marítima ba tinan 50 ka liu.

Bazea ba prinsípiu legál internasionál, Timór-Leste iha direitu liu ba riku-soin sira iha Tasi Timór duke tratadu CMATS rekoñese. Maibé governu Austrália la tuir lei internasionál no kontinua na'ok nafatin rekursu sira ne'e. Austrália hasai-an husi Tribunál Internasionál Justisa (ICJ) iha 2002 ne'e hatudu Austrália hatene katak nia posizaun fraku tebes atu la'o tuir prinsípiu legál internasionál sira. Posizaun ne'e, ekonomikalmente fó benefísiu liu ba Austrália, bazea de'it ba razaun polítiku de'it no ksa'alak legál.

ConocoPhillips hahú dezenvolve Kampu mina no gas iha Bayu-Undan hanesan kampu boot iha área JPDA, iha tinan 1990, wainhira iha okupasaun Indonezia. Iha keda 2006, gas natural dada ona liu-husi pipa ba Darwin, hodi fó ba Austrália kampu servisu no rendimentu downstream waen-liu. Bayu Undan nia Produusaun sae aas-liu iha tinan 2008, no kampu mina no gas ne'e sei maran iha tinan 2024.

Greater Sunrise bele iha mina no gas waen-liu fali Bayu Undan. Tuir Tratadu Tasi Timór, 20.1% kampu Greater Sunrise iha área JPDA nia laran no 79.9% iha liur. Area Sunrise deskobre iha tinan 1974, no Indonesia ho Austrália asina Kontratu Fahe Produusaun ho Ko

mpañia Austrália Woodside iha 1995. Woodside iha tiha ona kontratu atu dezenvolve Sunrise kontinua halo servisu hafoin independensia 2002, maibé hapara tiha nia servisu iha 2004 no foin halo fali iha 2007, hafoin Austrália no Timór-Leste konkorda kona-bá nain no hakfahek-rendimentu ba kampu gas no mina ne'e. Rendimentu Upstream sei hakfahek 50/50 entre nasaun rua ne'e, maibé rendimentu downstream sei depende maka'as ba desizaun Planta LNG ne'e nia harii fatin.

Tratadu CMATS la hatama asuntu importante, hanesan fronteira marítima ida entre nasaun soberanu rua ne'e. Akordu ne'e intende atu permite prosesu dezenvolvimentu ba rikusoin mina no gas iha kampu Greater Sunrise, maibé ne'e prevene mós Timór-Leste atu koalia kona-bá fronteira marítima ba tinan 50 ne'ebé legaliza no ekstende Austrália nia okupasaun ilegal ba parte balun iha Tasi Timór.

Ne'e kontradikte ho ita nia luta ba ukun rasik-an durante ne'e, nomós la natoon atu proteje Timór-Leste nia direitu soberanu ka fó benefísiu ekonomika suficiente ba Timór-Leste. Maibé ne'e depende ba Governu Timór-Leste atu moris tuir tratadu sira bé asina ona ka konvensa Austrália atu renegosia direitu ba fronteira marítima hodi hetan ita-nia soberanu tuir prinsípiu legal internasionál (UNCLOS).

